



*Komisija za ljudska prava i slobode
Gradskog vijeća Grada Sarajeva*

Broj: 04-GV-04 -1038/23

Datum, 06.07.2023. godine

*ZAPISNIK O RADU 24. SJEDNICE
KOMISIJE ZA LJUDSKA PRAVA I SLOBODE
ODRŽANE 06.07.2023. GODINE*

Prisutni:

1. Srđan Srđić, predsjedavajući
2. Emina Mujić, zamjenica predsjedavajućeg
3. Aida Lihčić, članica
4. Enisa Spahić, članica
5. Elvedin Korora, članica
6. Jasmin Šljivo, član
7. Armin Tupani, član

Sjednici iz Stručne službe za poslove Gradskog vijeća Grada Sarajeva prisustvovala:

- Mirjana Đanović-Stanić, rukovodilac Stručne službe Gradskog vijeća

Sjednici prisustvuje:

- Arijana Musić, šef Odsjeka za urbano planiranje

Sjednica je započela s radom u 13:02 sati. Predsjedavajući Komisije je otvorio sjednicu, pozdravio prisutne, utvrdio kvorum za rad i odlučivanje. Sjednica je započela razmatranjem i jednoglasnim usvajanjem Zapisnika o radu 23. sjednice Komisije za ljudska prava i slobode.

U raspravi o predloženom dnevnom redu, član Komisije za ljudska prava i slobode Jasmin Šljivo je predložio dopunu dnevnog reda.

Nakon rasprave i sažetka predsjedavajućeg, sa 6 glasova „za“ i jednim suzdržanim je usvojen sljedeći **dnevni red:**

1. Informacija o izradi regulacionih planova koji su u nadležnosti Grada Sarajeva Tekuća pitanja
2. Predlaganje zaključka u povodu posljednjih medijskih napada na gradonačelnicu Grada Sarajeva, a time i na Grad Sarajevo
3. Tekuća pitanja



TAČKA 1.

Informacija o izradi regulacionih planova koji su u nadležnosti Grada Sarajeva

Poslije uvodnih napomena i rasprave, te sažetka predsjedavajućeg, Komisija za ljudska prava i slobode je jednoglasno usvojila sljedeće **zaključke**:

1. Komisija za ljudska prava i slobode sugeriše Gradskom vijeću Grada Sarajeva da razmatra Informaciju o izradi regulacionih planova koji su u nadležnosti Grada Sarajeva i primi je k znanju.
2. Komisija za ljudska prava i slobode insistira na tome da nadležni organi poduzmu sve u okviru svoje nadležnosti da se stvore planski i zakonski uslovi kako bi potencijalni investitori - vlasnici nekretnina (građani i pravni subjekti), u zakonskom roku, mogli dobiti uslove za građenje po podnesenim zahtjevima, te predlaže Gradskom vijeću da u tom smislu usmjeri raspravu na tematskoj sjednici Gradskog vijeća o problematici provođenja nadležnosti Grada Sarajeva iz oblasti urbanog planiranja.

TAČKA 2

Predlaganje zaključka u povodu posljednjih medijskih napada na Gradonačelnicu Grada Sarajeva, a time i na Grad Sarajevo

U raspravi u kojoj su učestvovali svi prisutni proizišao je prijedlog zaključka.

Članica Komisije Aida Lihić je izdvojila svoje mišljenje i zatražila da se unese u zapisnik:

„Smatram da parcijalni pristup pružanju ljudskih prava građanima i građankama Sarajeva nije u duhu tolerancije prema marginiziranim grupama, posebno LGBTQ zajednice. Osuđujem neprimjerene napade na gradonačelnicu Grada Sarajeva, ali ne podržavam oduku gradonačelnice Karić da zastava LGBTQ nije dostojna da bude na Vijećnici.“

Nakon rasprave i sažetka predsjedavajućeg Komisija za ljudska prava i slobode je većinom glasova (sa šest glasova za i jednim suzdržanim glasom) usvojila sljedeći **zaključak**:

1. Komisija za ljudska prava i slobode osuđuje neprimjerene napade na društvenim mrežama pojedinih javnih ličnosti na gradonačelnicu Grada Sarajeva, a imajući u vidu pravo slobode mišljenja i izražavanja svakog građanina, pa tako i gradonačelnice Grada Sarajeva, bez obzira na temu, jer nijedan javni istup koji se korektno iznese, na način kako to radi gradonačelnica Grada Sarajeva, koja nikada u svojim javnim istupima nije osporila ničija ljudska prava, ne može provocirati i ne bi trebao rezutirati uvredama, nepristojnim i neprimjerenim komentarima za osobu koja je javno iznijela svoje mišljenje, od strane onih koji imaju drugačije mišljenje o pojedinom pitanju.
2. Komisija upućuje preporuku predsjedavajućem Gradskog vijeća Grada Sarajeva da se ovaj zaključak objavi na službenoj stranici Gradskog vijeća.

TAČKA 3

Tekuća pitanja

Komisija za ljudska prava i slobode upućuje inicijativu gradonačelnici Grada Sarajeva da u medijima javnog informisanja i društvenim mrežama promovise obrazac putem kojeg se preko službene stranice Grada Sarajeva građani mogu obratiti ovoj komisiji s ciljem zaštite ljudskih prava. (npr. objaviti informaciju ili poziv građanima na portalu Klix.ba, ili nekom drugom portalu sa kojima Grad surađuje, a za koji se evidentira veliki broj posjetilaca).

PREDSJEDAVALAČI KOMISIJE

Srđan Srdić

Predsjedavajući Komisije je u 14:05 sati zaključio rad 23. sjednice Komisije za ljudska prava i slobode Gradskog vijeća Grada Sarajeva.